



Parlamentarna komisija odgovorna za reviziju
Parlamentarno povjerenstvo odgovorno za reviziju

Парламентарна комисија одговорна за ревизију

Broj: 04/1-02-1904/25-2
Sarajevo, 22. 10. 2025. godine

ČLANOVIMA PARLAMENTARNE KOMISIJE ODGOVORNE ZA REVIZIJU

Dana 14. 10. 2025. godine održana je 21. sjednica Parlamentarne komisije odgovorne za reviziju Parlamenta Federacije BiH (u daljem tekstu: Komisija). Sjednici Komisije prisustvovalo je 13 od ukupno 14 članova Komisije i samim tim ispunjeni su svi uslovi za punovažan rad u pogledu kvoruma i odlučivanja. Pored članova Komisije, na 21. sjednici Komisije prisustvovali su i Mirza Kudić generalni revizor, Nina Džidić zamjenica generalnog revizora Ureda za reviziju institucija u Federaciji BiH i Enesa Karić, šefica odjeljenja za finansijsko-računovodstvene poslove u Uredu za reviziju institucija u Federaciji BiH.

Predsjednik Komisije je predložio **dnevni red**, koji je jednoglasno usvojen, a koji glasi:

1. Usvajanje Zapisnika sa 20. sjednice Parlamentarne komisije odgovorne za reviziju,
2. Nacrt budžeta za 2026. i finansijski zahtjevi za 2027. i 2028. godinu Ureda za reviziju institucija u Federaciji BiH,
3. Potvrđivanje grupa i termina u vezi održavanja javnih saslušanja revidiranih subjekata,
4. Tekuća pitanja.

Na osnovu člana 44. Poslovnika Predstavničkog doma i člana 41. Poslovnika o radu Doma naroda, a u vezi sa članom 54. Poslovnika Predstavničkog doma Parlamenta i člana 52. Poslovnika o radu Doma naroda Parlamenta Federacije BiH, Komisija podnosi sljedeći:

IZVJEŠTAJ

1. **Usvajanje zapisnika sa 20. sjednice Parlamentarne komisije odgovorne za reviziju**

Komisija je razmatrala zapisnik sa 20. sjednice Parlamentarne komisije odgovorne za reviziju i jednoglasno ga usvojila.

2. **Nacrt budžeta za 2026. i finansijski zahtjevi za 2027. i 2028. godinu Ureda za reviziju institucija u Federaciji BiH**

Predsjednik Komisije je obavijestio članove da je Ured za reviziju institucija Federacije BiH Komisiji dostavio Nacrt budžeta za 2026. i finansijske zahtjeve za 2027. i 2028. godinu Ureda za reviziju.

U skladu sa odredbom člana 5. stav 1) Zakona o reviziji institucija u Federaciji Bosne i Hercegovine, Ured za reviziju priprema nacrt svog godišnjeg budžeta i dostavlja ga Parlamentarnoj Komisiji odgovornoj za reviziju na odobravanje.

Nakon izlaganja predsjednik je pozvao predstavnike Ureda za reviziju da obrazlože dostavljeni nacrt budžeta.

Predstavnici Ureda za reviziju su istakli da je Nacrt budžeta za 2026. i finansijski zahtjevi za 2027. i 2028. godinu pripremljen u skladu sa članom 5. Zakona o reviziji institucija u Federaciji Bosne i Hercegovine, Zakona o budžetima u Federaciji Bosne i Hercegovine i Budžetskom instrukcijom broj 2 Federalnog ministarstva finansija.

Nacrt budžeta za 2026. i finansijski zahtjevi za 2027. i 2028. godinu sačinjeni su prema procjeni potrebnih sredstava za obavljanje poslova i zadataka iz nadležnosti Ureda za reviziju sa obrazloženjima planiranih troškovnih pozicija.

Naglasili su da su u Nacrtu za 2026. godinu planirana dodatna sredstva koja su prethodno odobrena Zaključkom Parlamentarne komisije odgovorne za reviziju br: 04/1-02-1504/25-1 od 28.7.2025. godine, i to u iznosu od 2.000.000,00 KM, na bilansnim pozicijama:

- 821614 - rekonstrukcija zgrade u iznosu 1.650.000.00 KM
- 821311 – namještaj u iznosu od 350.000,00 KM

Navedena sredstva nisu bila planirana Dokumentom okvirnog budžeta Ureda za reviziju institucija Federacije BiH za period od 2026. - 2028. godine, koji je Komisija na svojoj 16. redovnoj sjednici održanoj 28.4.2025. godine usvojila.

Nakon izlaganja predstavnika Ureda za reviziju institucija Federacije BiH i provedene rasprave, Parlamentarna komisija odgovorna za reviziju jednoglasno je usvojila sljedeći:

ZAKLJUČAK

Usvaja se Nacrt budžeta za 2026. godinu u ukupnom iznosu od 11.143.529 KM i finansijski zahtjevi za 2027. i 2028. godinu Ureda za reviziju institucija u Federaciji BiH.

3. Potvrđivanje grupa termina u vezi održavanja javnih saslušanja revidiranih subjekata

Predsjednik Komisije podsjetio je članove Komisije da su na prethodnoj sjednici usvojili zaključak kojim se utvrđuje da će se javna saslušanja revidiranih subjekata organizovati po grupama u sastavu utvrđenom kao i prošle godine kada su održana javna saslušanja.

Članovima Komisije koji budu spriječeni prisustvovati saslušanju, usljed posebnih i nepredviđenih okolnosti, dala se mogućnost zamjene sa drugim članom Komisije. Utvrđeno je da se dinamika održavanja javnih saslušanja revidiranih subjekata uskladi sa kalendarom aktivnosti Ureda za reviziju Federacije BiH.

Sekretar Komisije je sa pozivom za 20. sjednicu Komisije, a nakon konsultacija sa Uredom za reviziju Federacije BiH, članovima Komisije dostavio Prijedlog pregleda i rasporeda grupa javnih saslušanja revidiranih subjekata, budžetskih korisnika, javnih preduzeća, agencija, fondova i zavoda za 2024. godinu, u periodu od 20.10. do 23.10.2025. godine.

javni saslušanja revidiranih subjekata, budžetskih korisnika, javnih preduzeća, agencija, fondova i zavoda za 2024. godinu, u periodu od 20.10. do 23.10.2025. godine.

Nakon rasprave, članovi Komisije su jednoglasno potvrdili dostavljeni pregled i raspored grupa javni saslušanja revidiranih subjekata uz izmjenu koja se odnosi na zamjenu Damira Džebe, predsjednika Komisije i Admira Čavalića, člana Komisije, u grupama 2. i 3. za javna saslušanja.

4. Tekuća pitanja

Pod ovom tačkom dnevnog reda generalni revizor je uzeo riječ kako bih informirao članove Komisije da će Ured za reviziju institucija Federacije BiH, u skladu sa zahtjevima INTOSAI standardima, primjenjivati odvojene pristupe za provođenje revizije usklađenosti i revizije učinkovitosti.

Istakao je da navedeni standardi prepoznaju tri osnovne vrste revizija u javnom sektoru - finansijsku reviziju, reviziju usklađenosti i reviziju učinkovitosti.

S obzirom na to da Zakon o reviziji institucija Federacije BiH normira tri vrste revizija - finansijsku reviziju, reviziju usklađenosti i specijalnu reviziju, generalni revizor je zatražio mišljenje članova Komisije da li da im Ured dostavlja i izvještaje revizije učinkovitosti.

Naveo je da se, prema njegovom tumačenju, revizije učinkovitosti mogu tretirati kao vrsta specijalnih revizija.

Predsjednik komisije je zatražio da Ured za reviziju dostavi pisano objašnjenje putem e-pošte, sa detaljnim pojašnjenjem načina primjene novog standarda i razvrstavanja revizije učinkovitosti u okviru važećeg zakonskog okvira.

Članovi Komisije su se jednoglasno složili sa ovim prijedlogom.



**ZAMJENIK PREDSJEDNIKA
PARLAMENTARNE KOMISIJE
ODGOVORNE ZA REVIZIJU**

Elvir Karajbić, s.r.



**PREDSJEDNIK
PARLAMENTARNE KOMISIJE
ODGOVORNE ZA REVIZIJU**

Damir Džeba, v.r.